

隨園全集

詩集

小倉山房詩集卷二十三

壬辰癸巳

錢唐袁枚子才

元日送王蕡亭舍人入都



今年元日春風來一何遽不吹梅花開翻吹人去故人當代王江甯清才落筆鏗咸英贈余四首新詩成滿山歷落珍珠鳴山人平生狂頗頗海內孤行我爲我忽然張眼見替人自覺此身老亦可花幔曲采菱歌與君賡唱何其多方擬雲龍相逐不可一朝隔而乃烟帆欲別將如何思君精難裁留君口難說敢貪風月有吟朋不使鳳鸞朝玉闕滔滔江兮蕭蕭馬送君行兮往日下喜青雲之路長傷白頭之交寡餞君無酒空有詩要君展卷長相思彤廷奏罷三千牘早折瓊林柳一枝

再詠錢

殺人何必定鋸鍔錢以刀名即巧屠繞地枉教呼阿堵此身方且屬洪爐錙銖潤物皆爲德百萬貽人轉笑愚寄語鐵簪畫壁者可曾悟得此情無從無束紲受人憐別有金刀准五千元寶洗兒悲白髮景龍撒帳憶青年水衡小靳山資足銀艾雖枯荇葉鮮底事從容消受穩不曾一勺飲貪泉

集尹文端公贈詩卷然如束笋感而有作

三年人未釋心喪展卷重看墨萬行偷得公餘吟雅頌生來天性愛文章龍蛇字在蘭亭杏絲竹聲希孔壁荒苦把碧紗籠不盡又熏香草疊空箱再檢海內諸公投贈之作得一千九百餘首亦紀以詩

忽忽名場四十年珠盤幾度捧賓筵隻身寵荷詩千首八表雲停水一天猿鶴易招詞客詠容華難得別人憐何當妙寫研光紙排作屏風障兩邊

曹地山少宰爲祭告使者入山索詩

花外金鉦響山中鳥雀奔隣驚天使至我愛故人尊澤國持英簫皇華詠駟駟是誰能典禮有詔許乘軒馬借飛龍旛旗張元武旂官銜唐吏部寵眷漢公孫艷艷春三月彭彭朱兩轡亭公腰插弩郡將手扶韉路築王人館庭羅小國繁一梟先破鏡三蛇再開樽蒼壁尼山數金泥岱頂捫咨詢盡臣職得句亦君恩爲主明陵祭還來白下村鶯花都識面桃李半趨門石可三生認才經幾度掄公一督學望塵思御李訪舊忽推袁鬚鬢同驚白滄桑各斷魂雲泥情脉脉雞黍話番番可記瓊瑤贈應無縞存石印以東綴報之八騶齊放仗四牡走窺園小吏穿雲立材官折柳蹲摩挲銅狄古敷坐石牀溫索我新詩贈知公古道敦自慚才語盡難共達官論努力廉頗飯公夸健飯每日十盂休忘安石墩他時憶鴻爪展卷卽泥痕

謝書巢太守贈羊裘

我自黑貂敝便作青山遊山中朔風時詩骨寒颼颼東昌太守賢遠寄三英裘慮我高臥僵牛衣淚暗流得毋釣澤中少人物色不特加尺素書星飛千里郵其色白如霜稱我雪滿頭其氎深而溫勝於姹女柔我乃招縫人配以朝霞紬鍼衽一以畢吃吃笑不休我本陰重客而兼陽虛侯常苦歟壘累敵寒如敵仇忽然毛羽豐堅冰吾何憂縱與狐貉立不忤亦不求曹交九尺身晏子三十秋俱蒙使君管春風生衣襦昔者輕裘共聖門稱仲由又聞曹夫人官綿貽楊彪較此將母同高情尤綢繆報君無寸芹勉君敢一謳願持羔羊節善把魯民鳩

願推白傅心長裘覆九州會見五穀相賢名重山邱

湘山子四十歲索詩

道藝無二理所貴非名高苟能息之深神解同超超延陵湘山子風骨含孤標身爲孔顏徒  
庠序推英髦更兼岐扁術湯液回枯焦我有小妻疾尸厥形神消自分無生理巫祝紛喧呶  
君能奪之還白日走夔魑我又偶病臂徹夜常呼暑君來排羣醫道此非虛枵但使氣宣流  
脉絡當自交果然勿藥喜攬網如生縶今年君四旬華堂介春醪寄聲索我詩一曲當雲璈  
且曰勿言醫醫恐庸人嘲我乃大暓曠所見何拘膠昔者女媧氏醫天將石敲更有軒皇來  
醫地斷六鰲羲和能醫歲陰陽四序調夏禹能醫水民居輟窟巢堯舜醫盛世薰風吹鬱陶  
湯武醫衰世太白揚旌旄周孔醫萬世烝烝文治昭醫日必伐鼓醫山必禁樵醫喝必藏冰  
醫潦必登蛟古之大神聖誰非醫中豪而況岐扁術其權勝夔臯夔臯不遇時窘束無寸勞  
岐扁縱賤貧觸手皆恩膏不見無且囊猶撼荆軻刀所慮偶失之常射不中招九折臂易耐  
十全功難要喜君正盛年嶽嶽而囂囂清臚察癥結孤詣通烟霄診脈如鑄鼎神姦無遁逃  
難經八十篇分寸釐忽毫一一學巧屠骨節俱搜牢用藥如用兵決戰鬼門鑒本草三千味  
橋引毒熨燒運用得所宜何敵不可梟從此再精進析理窮牛毛仁術本仁心勿吝更勿驕  
濛濛黃土人誰非吾同胞四十尙如此五十甯可料神農且仰企化人且遊遨人壽君所與  
君壽天難操笑彼東方生踞促偷蟠桃

三月六日夢尹文端公

已絕人天路不通無端昨夜坐春風離離燕寢清香在款款慈雲笑語同白髮三更紅燭短

黃雞一唱絳帷空莫嫌夢境迷茫甚到底今生又見公

答似村見寄

一章詩抵萬瓊琚雜誦風前恨有餘  
遼左雁行齊返否相公馬鬣近何如  
諸公子鑒春花又落同眠榻秋雨還沉隔歲書  
去年所寄晚章猶未接到甚矣吾衰君莫問鬢絲兼不似當初

聞樹齋提督九門喜賀以詩

郎君官拜執金吾野老風聞膽亦麤  
九扇天門新管領六街赤棒正傳呼  
那須當戶夸封爵如此司閹信丈夫  
料得心開還戲問娶妻兼得麗華無

以竹葉粽餉客分賦一詩

山裏行厨事事新楚臣遺製更清芬  
承筐擬造青精飯采葉剛逢孤竹君  
五月端陽菱共小一章華黍笛分聞  
諸公應笑便便腹不嚼紅霞嚼綠雲

尤貢父以歡喜團見餉再與諸客分賦

蒙贈吳王珠滿簾離離擎出水精盤  
耳邊歡喜名先好世上團圓物亦難  
亞飯宛同雲子白賞花宜對繡毬看  
嫦娥似鬪如規影柳外吹來月一丸

三伏

空山三伏閉門居衫著輕容汗有餘  
却喜炎風斷來客日長添著幾行書

謝南浦太守贈芙蓉汗衫雨前茶葉

芙蓉裳賜野人家當作吹綸敢拜嘉  
周勃永教無浹背西施何必浣輕紗  
解襦粒粒珠猶濕裏甲層層暑不加  
吩咐柔荑好裁剪晚風披看白蓮花  
四銀瓶鎖碧雲英穀雨旗槍最

有名嫩綠忍將茗碗試清香先向齒牙生書交柏葉仙人寄味比江城太守清好色相如最消渴被公知道舊風情

七夕後三日尙衣局寅公過訪山中賦詩奉餉

肯移八座訪牆東雲外旌旗柳外紅涼意帶來車上雨香心同對藕花風彈棋子響千峰上論事情深一笑中忘是尊官忘是客杯盤草草竟留公

贈李耶

耶爲尹文端公從者別七年矣入山感舊與至書舍檢文端公手迹皆耶當年所持來者於邑不已因口號三絕句贈之

未入門先兩眼紅知卿感舊意忡忡十年重到前遊處可是山中是夢中 風臺月榭幾回新世事滄桑那可論一個漁郎比前老桃花相見也消魂 上相當年賜和章是誰騎馬替傳將而今同啟紗籠看一紙雲烟淚萬行

例有所避將遷滁州留別隨園四首

不教朱邑祀桐鄉看過梅花便束裝頗似神仙逢小劫敢同佛子戀空桑葛洪行具書千卷顧凱雲烟畫一箱泛宅浮家隨處好只憐白髮有高堂 小築隨園事偶然風光冉冉竟

華顛池開平地都成浪手插楊枝半拂天九曲房攏雲宛轉三春士女影翩躚生憎一片桃花水留住漁郎二十年 故鄉回首夕陽斜擬賦歸歎百事差西子湖邊無瓦屑醉翁亭

下有桑麻休移銅狄先垂淚拚捨河陽再種花仙鶴郊迎鷺鷥送詩人從古愛遷家 搖鞭不待管絃終此意分明達者同去住我原羈旅客湖山誰是主人翁看花有福三生定成

佛無難一念空盼咐青溪江令宅年年管領託春風

送李竹溪太守還河間

木正清霜水正波故人白髮走關河官雖捨去留名耳別亦無妨奈老何班馬長鳴還小住  
河梁同上各悲歌九原泉路交期在切莫臨風涕淚多

和簡齋同年送行韻

李棠

奮身炎海出風波重訪園林泊上河舟泊上河君是傳人原不朽我將終老定如何相看白首  
應初服便對青山大放歌留得此身強健在官教後會比今多

遷滁不果

欲去重回棹還山又看春想緣因果在前世六朝人

夢醒

橐橐更何促沉沉夜未央金燈紅漸淡也算小斜陽

晚菊和蕉泉觀察韻

千紅萬紫盡飄流開到寒花歲已周晚節不嫌知己少香心如爲故人留影搖落葉東籬短  
簾捲西風小室幽白髮淵明誰作伴一枝黃雪滿庭秋斷霞殘月兩相妨裊裊輕烟澹

澹妝九曲燈屏難寫照一生風骨不知霜性甘寂寞香纔久夢醒繁華壽更長收取落英充  
晚膳山妻早製鎖雲囊

程南耕八十歲索詩

江城深處有神仙客罷公侯隱一塵口嚼紅霞年八十手編青史卷三千先生修明史耳聾不妨耳

冷人間事原自心遊物外天知道賓王諸奏稿早隨寶唾付雲烟野人廿載賦閒居得

接芳隣慶有餘見面預安雙管筆每相見以焚香常捧一函書黃梅照酒香雖冷葭管飛灰

日漸舒豈獨添籌兼問訊啟期三樂更何如

戊寅春失玉履一隻已卯秋得之賦詩紀事今冬又失去

曾續鸞膠十五年者番重別更飄然想因刻作雙鳬樣故爾長飛小雪天去似逃奴偏結伴

履外兼失住非丹犬竟成仙老夫一笑渾閒事何處麻鞋不踏烟

席上贈楊華官郎小字華官沈文

一曲歌成楊白花生男從此重楊家泥金替寫坤靈扇當作三生繫臂紗幽情真個澧

蘭如前輩標題字豈虛檢點侍兒小名錄不禁腸斷沈尙書美如任育兼看影清比荀

郎似有香禁得風前訴幽咽華清閣下詠霓裳方演長

三月六日作有序

金姬小妹鳳齡鬢昌門爲女奴余贖歸之年纔十四巧笑流麗有依姊而終焉之志

余老矣不欲爲枯楊之稊爲擇少年郎嫁之臨行泣下余不能無情乃作是詩

香山那忍遣楊枝也費燈前十日思紅杏太嬌爲春色小白頭如許夕陽知比肩美玉看原好

入手明珠去恰悲寂寞蕭齋背花坐避他含淚上車時

移竹

移取琅玕三五枝半遮樓閣半臨池佳人倚袖寒猶薄高士遷家醉不知要識虛心隨處好

莫矜晚節出山遲瀟湘帝子淇園客忽捲疎簾某在斯三句一作碧

乞花

但見紅妝意便傾，狂言忽發紫雲驚。鶯啼樹上非無主，春在人家倍有情。解語定教回面笑，聞香先自出門迎。平生風骨峻嶒甚，每到低頭總爲卿。

前二首學士盧公課士題也，嫌諸生詩於移乞二字未甚刻劃，見余此作，曰：「老阿婆壓倒少年矣。」乃重賦兩章，博馮婦下車之笑。

柯亭昨夜雨淒淒，閒倚闌干待鳳兮。無物可醫人世俗，有君便覺女牆低。龍孫族大分宜早，

玉笋班新立不齊。可奈山風欺乍到，一竿吹仄杏花西。

移竹

偎紅倚翠久蹉跎，忽唱丁

娘十索歌。擬欲分香學韓壽，轉將割愛勸維摩。春非買得開應少，物是求來寵更多。灑掃園

林安置酒，待他蜂蝶也奔波。

乞花

盧學士書來乞花，盧壬申殿試第三人也。寄詩調之，盧亦余戊午同年。

一紙瑤華芳訊通，探花郎作乞花翁。關心蕊榜人猶在，回首瓊林夢已空。難得衰年同臭味，願將小草贈東風。只愁桃李門牆滿，未必殘春在眼中。

有恨

老夫最識花情性，折得花先贈少年。豈料將花投苦海，不如拋擲路旁邊。

讀胡雲坡觀察馳封嫂氏奏疏有作

唐代韓侍郎爲嫂服，制期其禮以義起，相傳古所希。峨峨觀察公，行事遠相師。奮乎百世下，高風冠等夷。身膺三品封，愾然有所思。揮淚草奏章，九拜陳丹墀。曰：「臣有寡嫂撫臣如母，慈臣生而孤露，遭家不造，時椿萱相繼亡，棠棣先後摧，千鈞懸寸髮，一嫂一孤兒，兒未落齒，

齒嫂爲哺淖糜兒裁脫文葆嫂爲製裳衣馬鬣嫂爲封蘋蘩嫂爲尸傳經嫂辟呬授室嫂扶  
持倘無臣嫂在臣身不可知臣今逢 覃恩乞爲嫂氏貤例雖格外破 恩從天上施 聖  
主聞惻然不復廷臣咨 特詔如公請黃封旁午馳頃刻紫泥章煌煌華表垂行人過之嘆  
閭里賀者窺嫺嬭喜相告茹荼如甘飴百姓興於仁孤稚咸嬉嬉從前旌節孝綽楔施門楣  
於今封命婦禧翟耀宗祠賤子讀公疏涕下如綆縻感觸天人理爲公前致詞周易六十卦  
盈虛消長機積善有餘慶事難旦夕期苦節終乃甘理不差毫釐而況非常恩必有所自基  
水非源不流木非根不滋在昔宗伯公易學探深微上殿講河洛屢領 先皇頤甘盤雖舊  
學伏生已年衰惟其畜者厚是以發之遲天將生我公先生嫂撫之在嫂非望報盡其分當  
爲在公非沽名行其心所宜懿哉盛德事相映彌光輝願公持此心卽以佐明治推廣一家  
仁遠爲萬民貽潛德闡其光孤寡拯其危會見臯夔業千秋仰巍巍

### 哭聰娘

曾以專房受重名一朝緣盡夜三更少姜不作旁妻待長妾原兼舊雨情難向空王問因果  
早知薄福是聰明章郎兩鬢衰如許就使重逢已隔生 記得歌成陌上桑羅敷身許嫁

王昌雙棲吳苑三秋月並走秦關萬里霜羹是手調纔有味話無心曲不同商如何二十多  
年事只抵春宵一夢長 巫山雲影竟銷沉神女遺蹤尙可尋侍疾不教衣帶緩看書常

伴燭花深諸姬學禮推前輩中饋參謀費苦心爭奈妙蓮花少子半生枯坐淚淫淫 無

端骨瘦似香桃霜裏紅蘭質易凋攬鏡自知無藥救呼巫還望有魂招零星簪珥生前散約

略容顏病後描千遍叮嚀萬回囑莫教孤冢草蕭蕭

求補之側

揚州秋聲館即事寄江鶴亭方伯兼簡汪獻西

白門遊子醉華筵五月邗江細雨天難得風人招酒士萬花叢裏小遊仙

梨園人喚大

排當流管清絲韻最長剛試翰林新製曲依稀商女唱潯陽

若生太史新製秋江一閱演白司馬故事

惠郎

嬌小影伶俜嚶歌喉隔畫屏好似流鶯嚶高樹不教人近只教聽

雲鬟婀娜繡裙斜

素手彈箏客不諱一個吳娘風調好當他二十四嬌花

後堂雜戲影橫陳覆鼠籠鵝伎

更新記得空空傳妙手幻人原是女兒身

首坐開元白髮翁涉江無路采芙蓉多情幸

有汪倫在代指巫山十二峯

雌雄風急夕陽遲未聽秋聲鬢已絲露下櫻桃燈下柳教

人各自惹相思

回首青山隔暮潮一雙蘭槳送歸橈班班衣上香痕滿都是揚州酒未

消

聞魚門吏部充四庫館纂修喜寄以詩

文思天子搜遺書子以文名領石渠士安不用借五車  
嫺嫺福地張華居憶昔蛩蛩附鉅虛  
兩家簡牒爭搜儲愛而不見心瞿瞿一朝去我翔天都  
明堂大開招羣儒青藜太乙從從趨  
四千年物盡輓輸朱文綠字體製殊龍威玉牒元皇符  
漢唐所少元明無咸集舜陞來堯衢  
西山光芒燭太虛子與蘭臺諸大夫雙眸一串牟尼珠  
部居別白分錙銖縱難讀盡在須臾  
但觀大略亦足娛有如餓腹餐天厨朶頤未動口欲呿  
又如大海遊蟬魚恣汝屬饜樂有餘  
問誰有此遭逢歟領百萬軍恐不如我猶未免爲鄉愚  
聞見狹隘探索疎側身西望空嗟吁  
不能從子爲書奴但願抄其目寄予傳得約略知些須  
此身不負生唐虞

雜書三絕句

鷺鷥立釣磯，獨自理毛衣。緩步向前去，試他飛不飛。  
秋星淡，孤燈霜葉下。涼雨萬籟寂，無聲磚縫一蟲語。  
半夜忽驚醒，無言心自嘆。今宵霜降矣，忘却護幽蘭。

自贈

一個飄蕭桑苧翁，焚香掃地住牆東。有花招客身難隱，無力圍牆棗盡空。  
不飲已經成半士，養親兼可傲三公。只愁朝夕編摩慣，書卷如兒要送終。

箴作詩者

倚馬休夸速藻佳，相如終竟壓鄒枚。物須見少方爲貴，詩到能遲轉是才。  
清角聲高非易奏，優曇花好不輕開。須知極樂神仙境，修煉多從苦處來。

節母詩爲淮安陶太守作

有序

太守名易文，登人母呂氏。寡居易以從子嗣，家故貧也。冒雪採薪爲枯枿，所狀指血泫泫然。夜輒煨芋，魁誘易讀書。易貴後，狀其事索詩。

東海慈雲擁絳紗，長沙太尉舊人家。恐將銀管千枝筆，難寫靈萱一樹花。  
黃鵠飛飛翼

早乖，嫺嫺爭不赴。泉臺螟蛉裁抱尊章，老了却君家事再來。  
烏啼月落夜窗空，親授兒

書讀未終試看採薪風。雪裏阿娘手爪爲誰紅？隣家聞有賣兒人，施與裙釵替贖身。誰

道梅花風骨冷，一重冰雪一重春。兒今五馬領淮南，望見蹲鴟淚便含。記得當年煨蘊

火，膝前賜與十分甘。風詩唱偏魯陶嬰，天上金章幾度旌。寄語世間諸母氏，佳兒不必

自家生。

和南浦太守產鶴詩

聞說生雛鶴亭亭畫檻東似添兒女累長使稻梁空浴羽憐初白銜花弄小紅遙知翁與子  
對舞一天風 仙種君家度君詩分外清乘軒夸兩代取箭記三生喬梓高低映鸞凰大  
小鳴黃堂眞綠野一片九臯聲

以錦雞贈鶴主人繫之以詩

山雞棲慣舊山梁忽把雕籠獻畫堂怕向荒村藏錦繡教陪太守耀文章臨行代刷新毛羽  
入座休驚小鳳凰寄語羊公諸鶴伴朋來自遠莫參商

九月十七日蕉泉觀察招同人賞菊分得七古一體

蕉泉先生事事雅手握菊花秋滿把替花作主招酒人也須人淡如花者捲起湘簾錦作堆  
黃雲紫雪何葳蕤花密不妨人亦密九客團團坐打圍高燒銀燭將花照人影花容同一笑  
水近秦淮氣自清風來小苑香尤妙先生嘉肴疊疊陳甘脆不數仙家珍齒決未終頤又朶  
一時忙殺餐英人陳郎十七美無比分明月桂小兒子耶父名桂官佳人兩代貌依然賤子傷心  
吾老矣街鼓鑿鑿漏漸長月華照見車上霜我辭花出向花語願與先生同晚香

題王嶰谷明府秋林遺照

壬申歲五月余遊華嶽山道逢王夫子新交如古歡遇險輒相扶逢奇必共嘆君至青柯坪  
崎嶇怯路難余勇上二里亦復自崖還出所媿鴨脯佐我盤中餐歸宿華陰署張飲重盤桓  
嗚呼二十年春夢久闌珊何圖夫子容重向畫中看呼之如欲出即之骨已寒老淚不能忍  
落紙先斑斑 畫中何所有湘水三間屋疎簾乍捲開萬木一齊綠先生梯几坐攜書此  
中讀聽鶴唳烟霄呼童理花竹如此十年餘娛老亦已足人言君達者勇退返初服我道君

循吏賢者而後樂非有龔黃勳難享林泉福請觀世公卿誰能遂此欲  
生前一見緣前  
生必有以死後一見緣賴君有賢子公子抱異才觥觥有文理醫術奏彤廷  
上方賜文綺  
偶作白下遊遠棹長江水抱圖索我題謙執子姓禮知君在泉臺聞之心必喜不喜賤子名  
得留君紙尾喜昔華山朋依舊相扶倚他日九原逢一笑可知矣

黃昏

深春客散掩柴門  
覓句閒行綠淨軒  
夕照已沉燈未上  
最無聊賴是黃昏

古牆

古牆庭院角經歲  
樹陰遮幽絕無人見  
青苔作小花

雨花臺懷古

大梁皇帝講經坐三十六天  
雨花墮無遮大會萬萬場  
斷髮焚身舉國狂  
羣臣彌月亡所天  
迎鑾三到蒲團邊  
皇帝贖身身價貴  
一百萬億青銅錢  
麴作犧牲供寢廟  
衣裳不剪飛禽貌  
可惜慈航度跛奴  
滿殿血流僧不掃  
一聲鐘打六朝空  
青蓋黃旗盡捲風  
單于宮與昭陽殿  
同在寒流滅沒中

小倉山房詩集卷二十三終

小倉山房詩集卷二十四

甲午乙未

錢唐袁枚子才

新正七日孔南溪太守來隨園卽事有贈

春正東風柳正含故人五馬忽停驂關心宦海尋耆舊屈指晨星只二三九十慈親扶杖見  
兩行穉女學庭參同年直用家人禮蔗味從來老最甘

山裏房攏九曲成者番把手更

同行穿林白髮烟中語帶雪紅梅水上迎清福偶然歸小隱交情如此亦前生別君未盡思  
君意聽我胥江打槳聲

題陶太守東井品泉圖

晉之士五施平晉之泉冽以清無人能取之往往羸其瓶

一解

東方千騎忽來陶君授舍興

氓童冠如雲執經問難簇簇相看君爲辟呬舌燥唇乾

二解

乃取著筮得卦之井曰伯益所

作利民最永鑿之扣之勿短其綆

三解

一朝窮源萬斛潏然且甘且鮮照影蹕蹕考唐人水

部三億三萬三千無此一泉

四解

蟠蟠父老槃散行汲槃槃門童洊至講習高梧之旁碧峯

之側牽繩者僂煮茗者啜民曰聖水士曰教澤

五解

昔有東先生請天三日甘雨零今有陶

刺史掘地七丈得泉水千秋兩賢人先後濟其美

六解

口傳懼訛碑鐫懼磨民愛云何爰繪

井圖君子作歌

七解

同桂郎尋春儀徵泊舟燕子磯有懷熊蔗泉觀察賦詩却寄

六十明年屆三春敢不遊閒情拾芳草打槳下眞州柳絮風初軟桃花水亂流日長人渡緩  
蕭寺且勾留

小字桂枝仙錢郎劇可憐肯歌周史曲同泛鄂君船挽手勝扶杖吹簫屢

拍肩妙蓮花不染恰是並頭眠

燕子磯邊泊黃公鱸下過摩挲舊碑碣惆悵此山阿

尹文端公勒石詩

短鬢皤皤雪長天渺渺波江神如識我應送好風多

同年張文達公自燕磯水神言爲燕磯水神

江左

熊觀察當今白傅才別來纔兩日相憶已千回步月筇應健看花限可開

信託桂郎帶同

公病後足跛目盲矣瑤華託

### 蘇州彭芝亭大司馬招飲西園奉呈三首

神仙丰骨鶴精神天遣長扶大雅輪七十高年雙黑鬢兩朝元老一詩人亭臺點綴昇平景

魚鳥追隨獨樂身閒倚雕欄思往事百花頭上有餘春

公丁未第一人

乞身疏廣久懸車聖

主頻頻問起居立雪公卿千里至趨庭仙佛一家俱

公次子官侍講四子奉佛

龍門高比諸天上鉛槧勤

於未仕初聽說鄉鄰齊側耳書聲夜夜老尙書野人弱冠識歐陽彈指於今四十霜學

禮早從周太史渡江先拜魯靈光受知貧賤恩尤重共隱林泉味更長願借西園一杯酒後

生前輩話滄桑

寒山觀瀑布旁有少年奇雅郭姓名湑字元會吳下諸生也談久誤易其扇歸次日見

訪乃題兩絕句而還之乾隆甲午三月十九日

流水聲中問姓名寒山影裏序平生多君玉立亭亭態可是東京郭子橫取看紈扇置

懷中忘却歸還彼此同搖向花前應一笑少男風換老人風

四月四日保礪堂朱立齋兩參戎常東湖楊鏡村兩明府相約看花雨阻不至戲寄二

### 首兼贈芝仙校書

誰挽銀河種玉蓮橫塘一路水如烟小車迎得靈妃步不是雲仙是雨仙孤負蕭齋酒